

gerede vnd rede noch also / Vnd du nimpst
mir die wort aus meinem Munde. Denn als
so hab ich auch geschrieben / im anfang meis
nes Buches / vom anfang der Creatur / Gott
sprach / Es werde liecht / vnd es ward liecht /
Gott sprach / Es werde eine feste zwischen
den Wassern / Gott sprach / Es samle sich
das wasser vnter dem Dimel an sondere ör
ter / das man das Trocken sehe / Gott sprach /
Es lasse die Erde auffgehen / Gras vnd
Kraut / Gott sprach / Es werden Liechter an
der festen vnd scheiden Tag vnd Nacht / vnd
so fort an.

Die stimmt Mose mit Johanne vber
ein / das im anfang der Creatur / ein Wort
sey gewesen / durch welchs Gott alles gespro
chen / das ist / geschaffen vnd gemacht hat.
Vnd Mose Lisbet oder stammelt hie nicht /
Sind auch nicht tuncel vngewisse Rede /
Die Grammatica ist auch gewis / Das / Wo
ein Sprecher ist / da ist / ein Logos / Wort
oder Rede. Ob nu die Jüden / Ketzer / Maha
met / jr eigen deutung hie ertreumen / dem
Christlichen Glauben zu wider / da fragen
wir nichts nach / Wir haben den Text vnd
Grammatica Moses fur vns / der stehet dü
re vnd klar da / das im anfang vnd anßer al
len Creaturn / habe Gott gesprochen / vnd
sey ein Wort da / durch welchs Gott alles
I spricht /